

Berdad
nunca a
perhudica
ningun hende
ningun
causa
ni ningun
nacion

DIARIO

ARUBA NOS ISLA STIMA

Un Bandera... Un Escudo... Un Himno... Un DIARIO

Telefon 582-6747 • Fax 582-8551 • P.O. Box 577 • www.diarioaruba.com • Engelandstraat 29 • diario@setarnet.aw
CELEBRANDO 25 AÑA CU PUEBLO Aña 25 • No. 7340 — 1 Florin DIAMARS 7 JUNI 2005




ACCION NACIONAL PA NATALEE ROND DI ARUBA A HAYA ATENCION MUNDIAL



ORANJESTAD (AAN)— Ayeratardi, manera nunca antes a yega di worde haci, un cantidad grandi di hende, entre nan local, turista, trahadornan di gobierno y di tambe di sector priva, cuerponan di investigacion envolvi y prensa a bini hunto pa asina yuda den e buskeda di Natalee Holloway. Sporthall na Santa Cruz a bira e base pa coordina e accion aki y asina gruponan a sali cu bus pa bay na diferente lugar. E buskeda aki a finaliza pa 7'or di anochi, y lamentablemente Natalee no a worde haya. Esaki a worde transmiti pa mundo henter door di prensa Mericano cu ta presente aworaki na Aruba. Nan tambe a bay cana rond cu e buskeda den tur skina. Lesa tur e detayenan di e accion aki awe den DIARIO.

Shirt di "Security" y bril haya pariba di Anker



ORANJESTAD (AAN)— Durante e buskeda cu a tuma lugar ayera, "Pariba di Anker" esnan cu a participa diripiente a bin topa cu tres obheto eybao cu ta parce di a worde laga eynan recientemente. Ta trata di un Shirt riba cual e palabra "Security" ta aparece. Tambe a haya un bril, y un boter bashi di Pepsi-Cola. Autoridad concerni a tuma e articulonan aki den beslag pero nan no a bisa si acaso nan ta kere cu e esaki por tin algo di haber cu e desaparicion di e mucha miher mericano.